

150
6

EPISTOLA
P. ALEXANDRI
VALIGNANI
PROVINCIALIS

De quinque e Societate IESV pro Christi
fide occisis in India Orientali

Anno 1583.



Ad Præpositum Generalem eiusdem
Societatis.



XPONAM his litteris R. P.
illustrem lauream quam conse-
cuti sunt carissimi Patres nostri,
Rodolphus Aquaviva, Alphonsus
Paceccus, Antonius Franciscus,
Petrus Berna, & Franciscus Ara

uea frater, qui Idibus Iulij anno salutis 1583.
apud Salsetem se se Deo victimas obtulerunt,
Ethnicorūq; telis Christi nominis propagandi caus-
sa occubuerunt. Salsetes regio quædam est conti-
nenti annexa, Peninsulæ instar, quæ ab Insula Goa
quodam maris tractu seiuncta, ab Urbe ipsa Goa
abest passuum millia non amplius novem; ambitur
vsquequaq; passuum millibus viginti, & Idalcanis
Regni finibus terminatur. Est autem Idalcan po-
tens Maurorum Rex, qui Superioribus tempori-
bus, ut finem bellis, quæ cum Lusitanie Regibus ge-
rebat, imponeret, Salsetanas ipsas terras, in quibus

sex & sexaginta pagi numerantur, possidēdas concessit. Ex eo tempore Salsetes Lusitanie paret imperio. Incolarum numerus est octoginta circiter millium: in his multi Brachmanes Ethnicarum superstitionū magistri: ut mirū videri non debeat, si gens illa multos iam annos Lusitanis subiecta regibus, nec longe distans a Goa, etiamnum in Idolorum cultu, ac superstitione tam pertinaciter hæreat. In eas **P**orās nullus ante annum. 1560. Christianis concionatoribus patebat aditus. tum primū a nostris socijs incultæ illæ desertæq. sylvæ, diuino verbo excoli cœptæ sunt, paucis duntaxat Christianis factis: in quibus ipsis tuendis, augendisq. multa sepe Nostri ab Ethnicis pertulerunt. Quæ causâ fuit, cur Antonius Norogna Prorex ducenta amplius delubra, & in his sumptuosa nonnulla, præter alias multas Idolorum ædes incendi, æquarique solo iusserit, anno 1567. Ethnici rati, id quod erat, tantas ruinas impulsu, suæque Nostrarum editas esse, iras scilicet in nos graues, inimicitiasq. susceperunt. Et quidem quoties vlciscendi se dedit occasio, eam semper auide arripuerunt. nam bello sæpius inter Lusitanos, Maurosque, Idalcanis exorto, cum Mauris coniuncti Ethnici, Christianorum templa, domosque, quæ in Salsetanis agris erant, sacrilegis manibus incenderunt, ac disturbarunt: magna etiam detrimenta Christianis ipsis intulerunt, quorum erat ferme numerus decem millium. Et quanquam recens firmata pax erat, quinque tamen ex iisdem pagis a Lusitanie deficientes

1
eientes imperio ad excitanda noua templa, noua-
que Idolorum simulacrâ, publice adhibitis vt an-
tea ceremonijs redierunt. Quin etiam agere cum
Prorege, Regeque ipso non dubitarunt, sibi vt
in eo perseuerare, suasque superstitiones augere
suo arbitratu liceret. Quoniam igitur Alphonsi
Pacecci opera factum cognouerant, vt ea quæ ab
ipsis falso deferebantur ad regem, illustrarentur,
& pateherent; eundemque suis senserant obstare
consilijs, hoc hominẽ oderant acerbius. Nec minori
apud illos odio erat, Petrus Berna, qui præterea
illud effecerat, vt exercitus is, quem ad eos coer-
cendos Comes Franciscus Mascarenus miserat,
ipsorum fana dirueret. Et quanquam non ita mul-
to post cum Prorege redierunt in gratiam, idque
per eundem Alphonsum Paceccum; tamen per
simulationem pacis, & otij, quæ est illorum barba-
ries, vliscendi tempus, occasionemque captabant.
Dum hæc geruntur Rodolphus Aquauina ex ma-
gni Mogoris aula reuertitur Goam: qua in aula
triennio iam amplius cum versaretur, reuocandũ
eum in præsentia Prouincialis putauit, quod in ijs
locis nulla se spes vtilitatis ostenderet. Sed is fuit
Rodulphi a rege discessus, vt maximam suæ virtu-
tis, & sanctitatis admirationem Regi ipsi, Regisq.
familiæ vniuersæ reliquerit, etenim ea omnibus
fuit ita perspecta, probataque, vt eã, ne ipsi quidẽ
æmuli Mauri negare auderent. Goã ubi peruenit,
magna omniũ gratulatione exceptus est, & quod
vniue diligebatur ab omnibus, propter singularem
cuius

eius animi moderationem, ceterasque virtutes, & quod eius iam reditus propemodum desperabatur, ingens enim erat suspicio, id quod ipse quoque suspicabatur, ne vel captiuus in Maurorum potestate retineretur, vel denique perimeretur. Sed ut aliud fuit providentiæ diuinæ consilium, hanc Regi mentem iniecit, ut abeundi potestatem Rodulpho faceret, idque inusitata quadam officij humanitatisque significatione. Cum plurimas offerret discedenti diuitias, ille funditus repudiavit, hoc vno contentus, quod diues meritis, diues virtutibus rediret ad suos, quibus bonis, toto illo tempore, quo absuit locupletatus est, cum in tanta hominum perversitate, tanta animi tranquillitate partim solus, partim cum socijs degeret, ut aulicis esset exterisque miraculo, propter eximiam eius animi submissionem, specimenque virtutis. Itaq; P. Prouincialis commodissimum putauit esse, eum Salsetane sedis Collegioque præficere, quod eum & religionis studio, & agendi dexterritate cum exteris, maximo ijs locis adiumento fore consideret. Socium ei adiunxit Alphonsum, quem ante nominaui, Pacetum, hominem minime illorum morum, atq. illius gentis ignarum, horum comitabatur initio Rodericus Vincentius Prouincialis, sed valetudine impeditus Goam deinde reuertit. Iam dies obrepserat, quo ex Societatis instituto instauranda erant vota, cum ad primam à Salsetanis nostris sedibus, cui nomen est Cortalin, peruenerunt. ea templum habet adiunctum SS. Philippo, & Iacobo dicatum.

eodem

eodem Patres, fratresque, quotquot in alijs dege-
 bant sedibus, conuenerant. igitur semestribus con-
 fessionibus, alijsque pietatis exercitationibus rite
 obitis, habitaque à nouo Rectore Rodulpho cobor-
 tatione egregia, sua quisque vota, quinto nonas Iu-
 lii non sine magna animi voluptate, gaudioq. re-
 nouauit. Cœptum est postea in conuentu referri,
 quæ ratio videretur idonea ad reliquam Salseta-
 norum pagorum conuersionem, & de solempni quo-
 dam instituendo baptismaie, qua in re multum Pa-
 cecci opera profutura videbatur, tum quod ibi alias
 ipse præfuerat, tum quod illorum Christianorum
 esses veluti parens. summa deliberationis hæc fuit,
 commodissimū videri sedes singulas ubi nostri ver-
 sabantur lustrare quamprimum, simulque naturā,
 & situm explorare locorum, ubi & Crucis defige-
 rentur insignia, & sacræ ædes edificarētur. Actū
 est singillatim de lustrando, inspiciendoq; Coculi-
 no pago, ceterisque simul pagis, qui Superioribus
 annis tumultuati, in tranquillitate iam erāt. Cuius
 pagi lustrandi ea caussa fuit, tum vt inter ipsos ma-
 gnæ quædam ex nobilis cuiusdam viri cæde exor-
 tæ discordiæ sedarentur; tum vt solatium ijs homi-
 nibus aliquod præberetur, & ad suscipienda Chri-
 stiana sacra permouerentur; deniq. vt ad extruen-
 dum templum, locandamue Crucem, ipsis tamen
 non inuitis Ethnicis, arcem locumue deligerent.
 Dominico die, qui dies fuit tertio. nonas Iulij, Ro-
 dulphus & Paceccus in arce Racioli, alijsque in
 alijs Societatis sedibus rem diuinam fecerunt. No-

Et insequenti duo illi quos dixi Patres, simulque
 Petrus Berna Italus, & Antonius Franciscus Lu-
 sitanus, ambo pietatis studio, virtutisque præstan-
 tes, una cum Francisco Aranea fratre, qui Gaspa-
 ri Goensis olim Archiepiscopi nepos erat, in Orli-
 ensem sedem conuenerunt. Hi omnes Idib. Iul. suo
 quisque sacro peracto, iter Coculinum versus arri-
 piunt: prosequiebantur Christiani illius loci com-
 plures, Lusitaniq; duo, quorum alter Scriba erat
 Raciolensis Ducis. Coculinum ut attigerunt, eos pri-
 marius quidam Ethnicus consalutat, nuntiatque
 conuenturos à prandio salusandi causa reliquos
 Oppidanos. conuocati sunt à Nostreis Ethnici alij
 duo, ut pax illa quam diximus conficeretur. af-
 fuit tantum alter, qui vultu certe, & significatio-
 ne pacem se velle ostendit; negare tamen eam à se
 vno, sine fratrum, propinquorumq; interuentu con-
 fici posse. Interim Patres inter se nostri deliberant,
 qui maxime locus ad construendum templum, eri-
 gendumq; sacre Crucis vexillum videretur appo-
 situs. Hoc consilio cognito Ethnici, qui tum ade-
 rant, siue casu, siue explorandi animo aduenissent,
 silentio abeuntes rem ad alios continuo deferunt.
 Hic, Veneficus, quidam inueterata renouans odia
 populum instituit cogere, & quantum poterat vo-
 ce contendere, aduenisse iam tempus quo vlcisci
 violatum Idolorum numen oporteret, iniuriasque
 eas, quas quotidie à Patribus acciperent, quos ne-
 mo nesciret, omniū maxime suis superstitionibus
 aduersari. Quapropter consilium initur interfi-
 ciendi

ciendi Patres, factaq; manu, omnes qua transeundum Patribus erat, viarum aditus, intercludunt. Nostri tum primum senserunt sibi Ethnicorū animos alienos. ergo ut nascentibus malis occurrant, ad suas sedes remigrandum existimant. Vbi se dederunt itineri, ad eaque loca venerunt, in quibus hostiles parabantur insidiæ; confestim eos hostium manus arcubus, ac sagittis, alijsq; instructa telis inuadit, vociferantium Occide, Occide veneficos, pacis nostræ perturbatores, euersores nostrorum Deorū. Ad hos strepitus Lusitanus quidam in medium cum sclopo prosiliens, & ad defensionem se comparans reuocatus est à Pacecco; quod negaret. Pater defendendi tum esse tempus, obuiamque procedens hostibus (passis ut in amplexū manibus) mira animi tranquillitate, patria ipsorum lingua, ne quid perturbationis metuerent, hortabatur. At illi furentes rabidique luporum instar, Patres adoriuntur, initiumq; cædis à Rodulpho faciunt. huic poplites primo succidunt, quo ille vulnere procumbens in genua, intētis in cælum oculis, numineque plenus, animum Creatori Deo, cervicem carnifici sponle obtulit, suisque ipse manibus diducta veste, nudum iugulum præbuit, ut quemadmodum in omni vita fecerat, sui magistri obtemperans, dominiq; consilio, secundo vulnere ei corpus offerret, à quo primum acceperat. Sed ne id quidem ad leniendam carnificis crudelitatem satis; in eas ipsas ceruices, quas Christi martyr ultro nudarat, duas ille graues, ac mortiferas plagas imposuit.

posuit. ad has quarta accessit, quæ humerum à reliquo corpore pene discerpserit. pectus deniq. sagittata confossum. quibus quinque vulneribus acceptis extremum spiritum suo edidit Creatori, à quo totidem redemptus est plagis. Atque hoc ille modo Salsetanam peregrinationem suam tam exiguo temporis intervallo, tam gloriosa morte conclusit. Secundus cæsus est Franciscus Aranea frater, qui in cervicibus magno accepto vulnere, lateraq. hastili transfixus, moribundus repente concidit. Tertius occisus est Petrus Berna, qui in occipitio ita vulneratus est, ut ex vulnere pars dissecta penderet, altero etiam oculo telo traiecto, alteraque aure media graviter vulnerata: at ne tum quidem sui crudelitatis extincta, nihilo fuit minor barbarorum in exangue corpus immanitas. Quarta fuit Paccetti palma, cui barbari lanceam cum adegissent in pectus, extensis continuo manibus Crucis in figuram, oculisque sublati in cælum, alteri vulnere sese intrepidus offert, quod cum iugulo accepisset, exanimis concidit. Postremus Antonius Franciscus, tum in capite, tum in reliquo corpore vulneratus occubuit. Spirabat adhuc Franciscus Aranea: cum ad eum omnis generis multitudo convolat, virorum, fœminarum, puerorumq; magna præ lætitiâ clamoribus gestientium; qui quo plus Idolo suo haberent honoris, semel, atq. iterum semivivum corpus extractum, circum Idolum rapiant. Deinde ut eorum mos est, in reorum habenda questione, hominē altero tantum pede stare iubent, altero

tero in sublimē suspenso, Idolo supplicare cum iuberetur, Non sum, inquit, Atā desipiens quā vos qui hac iubetis, vt lapides lignaue muta pro Deo venerer. Illi ira incitati, certo eū in loco constituunt, in quem eminus collimarent, in eumque innumerabile iaciunt telorum, sagittarumque multitudinem. atque inter iaculandum, alij alijs subinde vocibus exprobrantes, Hic demum templum ædificabitis, inquirunt: Hic cruces vestras figetis. denique velut alterum Sebastianum sagittis confixum relinquunt. Is furor fuit vniuersorum, vt ne pueri quidem puellæq; in eius corpore lacerando, suisq; manibus, micronibus, iaculis, & præacutis sudibus *configundo* animū suū satiare possent. Cum eā quisq; laudē societatis appeteret in suis vlciscēdis Idolis. mox martyrum sanguinem ijs offerunt, eoq; ipso, vt eorum mos est, illorum simulacra festis clamoribus inungunt. inde reliquorum corpora per terram contumeliose tracta, in foueam deiici aquā plenā, eaq; ne in Christianorum manus venirent, frondibus occultari iubent. Duo præterea honesto loco nati adolescentes in societatem tam illustris martyrij recepti sunt. Brachmanes erant ambo, & in nostris ædibus habitabant, eorum alter appellabatur Dominicus, ipsius Coculini oppidi incola, qui quoniam patribus Idola quæ comminuerant demonstrauit, ne huic quidem sui ciues pepercerunt. Alteri nomen erat Alphonsus, qui cum Pacceti breuiarium gestaret in manibus, non prius sibi illud extorqueri passus est, quam vtraque manus abstina-

abstinderetur. Interfectus est alius quoq. Christianus vir honestus Frācisus Rodriguez, itēq. alius Paulus Acoſta, Christianorum illius loci curator, & in adiungendis ad Christum Ethnicis, iuuandisque Patribus sedulus adminiſter. Ex duobus comitibus Lusitanis superstes relictus est alter, qui Ethnici cuiusdam amici ope præsenti periculo ereptus est. alter vero scriba Regis, qui Gonzales Rodriguez appellabatur, occisus. Atque hic fuit felix nostrorum Patrum obitus, qui amplificanda, promulgandæq. Catholicæ religionis causa suas Redemptori vitas obtulerunt, ut sanguis sanguini redderetur. Hæc ut supra dixi Idibus Jul. acta sunt anno 1583. Qui dies maxime insignis in vniuersa Societate, maximæq. veneratione dignus est. Si quidem eo ipso die sunt ab hæreticis, annis ante duodecim, Ignatius Azbedus, comitesque nouem & triginta cum Brasiliam petere, interfecti. Horum memoriam Goani Collegij Patres, fratresq. pijs precationibus, pœnisq. vltro susceptis dum recolunt, hi ipsi de quibus scribimus à Salsetanis Ethnicis mactabantur. Allatus est hic nuntius postera nocte, quam mors martyrum antecessit, qui quidem omnium animos vehementer pupugit. sed cum de more se contulissent ad preces, tantam vim diuinæ dulcedinis acceperunt, tantamque lætitiā, ut hac, atq. illac è suis quisq. cubiculis prodeuntes, eam inter se mutuo communicarent: eum vero ardorem præse ferrent obeundi martyrij, ut novos martyres, tum beatos, tum san-

Etos aliq; alijs nominibus appellarēt. Vt primum autem Rodericus Vincentius id temporis Prouincialis, cum ceteris Patribus ad Salsetem proficisci constituit ad recuperanda, humandaque sanctorū corpora, is fuit ardor vniuersorum, vt profectio- nem illam enixe omnes efflagitarent, magnusque mœror inuaderet, si cui remanendum esset Goæ non tamen omnibus, sed triginta duntaxat concessum est. Qui Coculinum cum peruenissent, atq. vna cum Castri Duce, occisorum corpora postulassent, patefacere ea initio barbari noluerunt. Sed dum tristes mœstiq. reditum parant, diuino consilio factum est, vt non sine sanctis corporibus, quæ deinde barbari protulerūt, abirent. Vix erat in Castro Raciolo, vbi tum Nostri commorabantur, de Martyrum cæde nuntiatum, cum aduentantibus ex oppido, populus gratulabundus occurrit. Partabatur nobile feretrum à Duce, Lusitaniq; cumq. ad sacellum quoddam B. Antonio sacrum, Castro ipsi propinquum ventum esset, præsto illico Patres affuerunt, qui beata illa corpora, frequenti populo, accensis cereis, atq. candelis exciperent, præeunte choro modulate canentium Canticum Zachariæ. In interiore sacello, tum vt studijs hominum ingentibus satisfaceret, tum etiam vt aptius corpora ipsa componerentur, detractis integumentis multitudini ostensa sunt. Hic ea fuit omnium lætitia, significatioq. pietatis, vt multi affirmarent e Nostreis, nunquā se antea talem expertos esse. Et quanquam triduo ante necati erāt Martyres, at-

que in illius foueæ cæno eorum corpora delitue-
rant. recentes tamen admodum viscebantur, præci-
pueq. Rodolphus, cuius è vulneribus ita recens
manabat sanguis, ut si ea tum accepisset. Quæ res
omnium animos vehementer accendit, tantusque
osculantium manus, pedesq. martyrum, ac sacra
vulnera impetus fuit, ut iam tum cælestem illorū
gloriam videre quodammodo viderentur. Multi
præterea reliquiarum aliquid studiose quærebat,
nec obsisti villo pacto potuit, quominus alij asper-
sis cruore sudarijs, alij recisis vnguibus, capillisq.
discederent. Corporibus apte compositis, solemnibus
quædā, religiosaq; supplicatio instituta est. Corpo-
ra deferébantur a Patribus, crebris cum funalibus,
canticisq. psalmorum, qui ad eam triumphī gloriā
spectare potissimum videbantur. Ad oppidi tem-
plū cū hac pompa delata, nocte circiter media, in
arca prægandi cōdita sunt, distincta, ac suis quæ-
que ut internosci possent notata nominibus. Ibi ia-
cēt in præsentia, quoad alio Paternitati tætras-
ferri placuerit. Postridie eius diei mane Provincia-
lis pro gratijs agendis Missæ sacrum cum tantis
solemnib; ritu peregit. nec enim tale sumus deside-
rare alias videbatur exsequias, si quidē pro fidei
catholicæ promulgatione, proq. Idolorum signis
euerfis oppetita mors erat. quod & Ethnicifate-
bantur ipsi, & ex eorum liquet epistola quadam
in qua scriptum erat, igitur a se Patres perem-
ptos, quod suis in regionibus cogitarem Christia-
norū templa construere. Maxime perturbauit hic
nuntius

nuntius Goanam ciuitatem, cui Rodulphi, Pacecciq. virtutes perspectæ iā erant. Quocirca ita summa omnium animi in Ethnicos incitati, ut nisi Proregis nutus, prudentiaq. reprimeret, ad expetendas illico pœnas, voliscendamq. Martyrum cadem vniuersi concurrerent. Sed quoniam Parricidæ illi ad Idalcanem Regem confugerunt, censuit Prorex conuiuendum esse in præsentia, & in aliud tempus pœnas tanti sceleris reseruandas. Erat P. Rodolphus Atriæ Ducis filius, annos natus tres & triginta, quorum dimidiâ partem in Societate consumpsit. Aequalis ferme erat illi Paceccus, vterq. magna quadam virtute præditus, magnis quibusdam donis instructus ad rem Indicam adiuuandâ, promouendamque. Sed Rodolphum præcipua quædam commedabat humilitas, & suauitas morum, quæ tantum illi sanctitatis nomen domi, forisq. pepererat, vulgo ut Angelus diceretur. Antonius Franciscus trigessimum agebat annum, fueratq. in Societate duodecim. Huic accepimus quotidianum, solemneq. fuisse, cum sacrificaret, a Deo precari, sibi ut eius causa liceret, cruciatus martyrum experiri. nam de Rodolpho quid attinet dicere? cuius ex litteris ex Mogoris aula datis, facile perspicilicet, quam flagrans eius studium esset, quam ardens cupiditas mortis pro religione oppetendæ. atque id ipsum mœror ille quem cepit, ex suo in Goam reditu declarauit, propterea quod tam præclaram bene moriendi, patiendiq. pro Christo occasionem amisisset. Petrus Berna ipse quoq. par erat ætate,

sed sexennium in Societate confecerat: hic dicere
solitus est; quandiu sanguis in Coculino pago non
funderetur, Ethnicorum conuersionem ad Christum
fore nullam, simulq. se praesagire animo, sibi in ijs
regionibus moriendum. Nec multo inferior erat
aetate Franciscus Aranea, qui duo de triginta na-
tus annos, vixerat in Societate decennium. Quare
in omnibus flos vigeat aetatis, omniumq. erat ope-
ra ad Dei ministerium, Societatisq. perutilis. Ce-
terum nos in hac spe sumus, horum Martyrum mie-
rita tantum apud Deum ponderis habitura, ut Pa-
pae, fratresq. nobis carissimi, qui in Europa
iudicant, acriter inflammentur ad has ex-
petendas oras, ubi tam felicem
exiitum fortiantur.

Cal. Ianuar. Anno. M. D. LXXXIII.

F. I. N. I. S.